



Terenga 2: Hōtaka 04 – kōrero tūhonohono

Kei ngā puhariki o ngā waka o te motu, nau mai anō ki tēnei hōtaka whakapiki i te reo o te hunga kaingākau. Ko tātou tātou kua rāpoi mai i konei i raro i te maru o tō tātou reo.

Hei Mahi Whakarongo

Ko ō tātou kuia koroua ō tātou taukaea ki te ao o whakapata. I te rangi nei ka whakarongo tātou ki te uiui a Tinamaree Kaipara i tana kuia, i a Te Rangiātaahua mō tēnei mea, mō te karanga.

1. He aha tana huarahi ako i te karanga?
2. Hei tāna, ki te whati te karanga, ka pēhea?
3. Nā wai ia i whāngai ki ngā kupu?

He Whakamārama

Me noho ngā kupu tūhono 'anō hoki' - hei tūhono i ngā kianga/kōrero. Ka noho ngā kupu nei ki muri i te kupu matua. Kua hei tīmatanga rerenga. E kīia ai he 'kupu hāpai' ēnei kupu i te mea ka noho ki muri i tētehi kupu matua hei hāpai i a ia.

Anō hoki nō Tainui au i te taha o taku pāpā. x
Nō Tainui anō hoki au i te taha o taku pāpā. ✓

Anei ētehi kupu hei tūhonohono kōrero:

Ka mutu... (*and what's more*)
Hei tāpiri atu... (*to add to that*)
me te aha... (*and as a result*)
,ā, (*and*) – *to join two distinct statements or phrases*

Hei Manatu

He nui te rangona o ngā kupu 'me te mea nei' hei tūhonohono kōrero. Ko te mate kē, kei te hē te horopaki o te whakamahinga. Ko te tikanga o te kōrero 'me te mea nei' he rite ki te kōrero 'ānō nei', arā he whakataurite i ētehi mea, i ētehi āhuatanga rānei e rua.

Titiro ki a Tame e apu kai ana, me te mea nei he poaka kunekune.
Look at Tom eating like he's a pig.

Whakamātauhia ēnei huarahi hei āpiti kōrero kia pai ai te rere o te reo:

I haere mātou ki te hui...

..., ā, i a mātou i reira ka tūtaki atu mātou ki ngā whanaunga...
...**me te aha...** i roa ake tā mātou noho atu ki te whakaratarata. (*as a consequence*)
...**ka mutu...** i heke mai mātou i te tupuna kotahi, nō reira he whanaunga tata tonu.

Hei Mahi

Whakatikahia ngā rerenga nanu nei:

1. mōku hei anō ko tōku ko tuakana hoki Rēweti tuakana Tiare
2. I puta haere i au hua ki he te kāore hui aha me te
3. ake tēnā mutu katoa o tae ki ka ātaahua whenua kua au wāhi he te reira

Whakautu:

1. Ko Tiare tōku tuakana, ko Rēweti anō hoki hei tuakana mōku.
2. I haere au ki te hui me te aha kāore he hua i puta.
3. Kua tae ake au ki tēnā wāhi ka mutu he ātaahua katoa te whenua o reira.